



唐六典



漢書門		
九	一	七
〇	四	八
三	〇	〇
架	函	號

庫文閣内		
九	一	七
〇	四	八
三	〇	〇
架	冊	號

内閣文庫		
番號	漢	9178
冊數	30(10)	
函號	293	57



糊などで貼り付けられている部分がめくれない箇所あり

大德寺藏書新書第十

和紙

書院學士兵部尚書殿中書令修國史

平教廣南國公 李林甫等奉 敕注上



和紙

卷一人

卷二人

卷三人





大唐六典秘書省卷第十

御撰書八人

集賢院學士兵部尚書兼中書令修國史

上柱國開國公臣李林甫等奉 敕注上

秘書省


監一人

少監二人

丞一人



淺草文庫



秘書郎四人

校書郎八人

正字四人

主事一人

令史四人

書令史九人

典書八人

楷書手八十人

亭長六人

大掌固八人

熟紙匠十人

裝潢匠十人

筆匠六人

著作局

著作郎二人

著作佐郎四人

書令史一人

書史二人

校書郎二人

正字二人

楷書手五人

掌固四人

太史局

令二人

丞二人

令史二人

書令史四人

楷書手二人

亭長四人

掌固四人

司曆二人

保章正一人

曆生三十六人

裝書曆生五人

監候五人

天文觀生九十人

靈臺郎二人

天文生六十人

挈壺正二人

司辰十九人

漏刻典事十六人

漏刻博士九人

漏刻生三百六十人

典鐘二百八十人

典鼓一百六十人

秘書省監一人從三品

周礼春官太史掌建邦之六典又小史掌邦

國之志定周礼定繫代又外史掌四方之志

旧唐志作一百一十二人

旧唐志作八十八人

三皇五帝之書並秘書之任也秦則博士官

所職禁人藏書漢氏除挾書之律開獻書之

路置寫書之官又令謁者陳農求遺書於天

下故文籍徃徃而出並藏之書府在抄漢書徐淳注

無在外則有太常太史博士掌之內則有延

閣廣內石渠之藏又御史中丞在殿中掌按漢

書掌字在蘭臺秘書圖籍又未央宮中有麒麟

閣天祿閣亦尚尚恐當作藏書劉向揚雄典校

皆在禁中謂之中書猶今言內庫書也後漢

則藏之東觀亦禁中也至桓帝延熹二年始

置秘書監屬太常掌禁中圖書秘記故曰秘

書漢官云秘書監一人秩六百石魏武為魏

王置秘書令典尚書奏事即中書之任也兼

掌圖書秘記文帝黃初中分秘書立中書因

置監令乃以散騎常侍王象領秘書監撰皇

覽魏氏蘭臺亦藏書御史掌焉魏畧薛夏云

蘭臺為外臺秘書為內閣是也魏初秘書屬少府及王肅為監以為秘書之職即漢東觀之任安可復屬少府自此之後不復屬焉至晉武又以秘書并入中書惠帝永平元年詔秘書典綜經籍考校古今中書自有職務遠相統攝於事不專宜令復別置秘書寺掌中外三閣圖書自是秘書寺始外置焉晉令云品第五絳朝服銅印墨綬進賢兩梁冠佩水

蒼玉宋齊同晉氏梁改為首與尚書中書門下集書為五省秘書監增秩中二千石品第三後制十八班秘書監班第十一陳依梁後魏亦以秘書為五省之數監初從第二品中太和末正第三品北齊依魏後周春官府置外史下大夫掌書籍此秘書監之任也隨隨隋作秘書與尚書門下內史殿中為五省秘書監正第三品煬帝三年降為從第三品其後

又改秘書監為秘書令武德初改為監龍朔二年改為蘭臺其監曰蘭臺太史咸亨元年復舊天授初改為麟臺監神龍元年復舊初漢御史中丞掌蘭臺秘書圖籍故歷代置都邑建臺省以秘書與御史為鄰

少監二人從四品上
隋煬帝三年置秘書少監一人從四品掌貳秘書監之職其後又改為少令皇朝因隋為

少監龍朔二年改為蘭臺侍郎咸亨元年復舊天授初改為麟臺少監神龍初復舊至太極初又增一員
丞一人從五品上

漢獻帝建安中魏武為魏王置秘書令及二丞典尚書奏事並中書之任也魏志劉劭建安末自秘書郎轉秘書丞是也魏文黃初中分秘書立中書以秘書左丞劉放為中書監

秘書右丞孫資為中書令而秘書置丞一人
秩四百石魏置置當云何禎文帝時上許都
賦帝異之公車徵到為秘書郎後月餘禎閱
事帝問外言通典帝下有本用禎為丞何故
為郎案主者罪遂改為丞時秘書丞尚未轉
遂以禎為右丞晉武并秘書入中書謂之中
書秘書丞惠帝又置秘書丞二人晉令秘書
丞品第六銅印墨綬進賢一梁冠絳朝服晉

書稱桓石綬為秘書丞啓校四部圖書宋齊
並一人品服同晉氏梁增品第五秩六百石
銅印黃綬陳依梁後魏秘書丞一人正第五
品上北齊因之後周春官府有小外史上士
之職蓋此秘書丞之任也隋秘書丞一人正
五品按通典有龍朔二年改為蘭臺大
夫咸亨初復舊十五字疑脫文
秘書監之職掌邦國經籍圖書之事有二局一
曰著作二曰太史皆率其屬而修其職

凡四部之書必立三本曰正本副本貯本以供進內及賜人凡敕賜人書秘書無本皆別寫給之

少監為之貳焉丞掌判省事

秘書郎四人從六品上

魏武置秘書郎秩四百石魏起居注青龍中

議秘書丞郎職近日月宜居三臺上亞尚書

丞郎魏志云王伯輿鍾會何禎鄭默並起家

拜秘書郎中而默在秘書掌中外三閣刪省

繁文除其浮穢始制中經時虞松為中書令

謂默曰而今而後朱紫別矣晉令秘書郎中

品第六進賢一梁冠絳朝服晉起居注云武

帝遣遣下疑有脫文秘書圖書分為甲乙景丁四部

使秘書郎中四人各掌一焉晉書云左太冲

為三都賦自以所見不博求為秘書郎中宋

氏除中字宋書稱王敬弘子恢之召為秘書

即敬弘求為奉朝請與恢之書曰且宋書王敬弘傳
無且秘書有限故有競朝請無限故無競吾
欲使汝處無競之地文帝喜而許之齊書稱
王僧虔王慈並早有令譽皆起家拜秘書郎
梁秩六百石江左多任貴游年少而梁代尤
甚當時諺言上車不落則著作體中何如則
秘書陳著令令僕射子起家為之後魏亦置
四人正第七品上後魏書云高謐天安中以

功臣子召入禁中專掌秘閣拜秘書郎奏請

廣訪羣書大家

家當作加

繕寫北京圖籍稍以審

正北齊又增中字正第七品下隋又除中字

正七品上

隋志正七品下

煬帝三年加為從五品皇朝

為從第六品上龍朔天授神龍並隨省改復

校書郎八人正九品上

漢成帝命光祿大夫劉向於天祿閣校經傳
諸子詩賦步兵校尉任宏校兵書太史令尹

按下文上至字恐正之誤
下後字疑衍

咸校數術太醫監李柱國校方術其後揚雄
以大夫六典校於天祿閣斯皆有其任而未
至其官至後漢始於東觀置校書郎中續後
漢書云馬融安帝時為大將軍鄧騭所召拜
校書郎中在東觀十年窮覽典籍上廣成頌
又竇章居貧蔬食講讀不輟太僕鄧康重章
學行是時學者稱東觀為老氏藏室道家蓬
萊山康薦章入東觀為校書郎中漢御史中

丞掌殿中蘭臺秘書圖籍因置蘭臺令史典
校其書班固傅毅初並為蘭臺令史王克云
通人官蘭臺令史比校書郎中東觀有校書
部置校書郎中典其事時通儒達學亦多以
佗官領之自漢魏歷宋齊梁陳博學之士往
往以他官典校秘書至後魏秘書省始置校
書郎中第九品上後魏校書郎從第六品上北
齊置十三人隋初亦置十二人煬帝三年減

為十人其後又增為四十人皇朝減為八人
正字四人正九品下

掌詳定典籍正其文字前代才學之士多以
佗官兼其任者齊秘書省有正書蓋是正字
之任北齊秘書省始置正字四人從第九品
上隋因之皇朝為正第九品下
主事一人從九品上

皇朝置掌印并勾檢替失

令史四人書令史九人

魏甲辰儀秘書令史品第八晉品第九宋品

第八齊秘書令史品勲位第六梁陳品第九

後魏秘書令史從第九品下後魏初從七品上後關文北

齊正第九品上隋開皇初始降為流外行置

置當隋秘書令史四人流外二品書令史九

人流外三品皇朝因之

典書八人

齊職儀云宋孝武大明年

年疑中字

開府儀同及

三公府皇子府皆有典書吏皇朝秘書省始

置典書其職同流外八考入流焉書令史

楷書手八十人

隋煬帝秘書省置楷書

按隋志書下有郎字

員二十人

從第九品掌抄寫御書皇朝所置職同流外

也

亭長六人掌固八人熟紙匠裝潢匠各十人筆

匠六人

皇朝所定

秘書郎掌四部之圖籍今庫以藏之以甲乙景

丁為之部目甲部為經其類有十一曰易以紀

陰陽變化

經籍志歸藏等六十九部五百五十一卷

二曰書以紀帝王遺範

古文尚書等三十二部二百三

隋志三

十七

卷

三曰詩以紀興衰誦嘆

韓詩等三十九部四百三十三卷

作四百四十二卷

四曰禮以紀文物體制

下周官

官下有禮字

等一百三十六部一千六百二

十二卷

五曰樂以紀聲容律度

樂

樂下有社字

大義等三十二部一百四十三卷

作四十三部一百四十二卷

六曰春秋以紀行事褒貶

春秋經等三傳九十七部九百八十三卷

七曰孝經以紀天經地義

古今孝經等十八部六十三卷

作古文孝經等二十部

八曰論語以紀先聖微言

論語等并五經異義七十二部七百八十一

卷 作七十部

九曰圖緯以紀六經讖候

河圖等十三部九十二卷

十曰小學以紀字體聲韻

說文等三部四十六卷 作三蒼等一百十一部四百四十七卷說

文載其中

乙部為史其類一十有三曰正史以紀紀傳

表志

史記等六十七部三千八十三卷

二曰古史以紀編年繫事 十二十六卷

紀年等四 四作三 十四部六百六十六卷

三曰雜史以紀異體雜記


周書等七十部九百一十七卷 作七十部

四曰霸史以紀偽朝國史

趙書等二十七部三百三十五卷

五曰起居注以紀人君動止

穆天子傳等四十一部一千一百八十九卷



作四十二部一
千八十九卷

六曰舊事以紀朝廷政令

漢武故事等二十部四百四卷作二十部

七曰職官以紀班序品秩

漢官解詁等二十部三百三十六卷作解詁等二十部

八曰儀注以紀吉凶行事

漢舊儀等五十九部二千二十九卷

詔當作詔

九曰刑法以紀律令格式

律令令作本等三十五部七百一十二卷

十曰雜傳以紀先賢人物

三輔決錄等二百一十七部一千二百八十六卷

十一曰地理以紀山川郡國

山海經等一百三十九部一千四百三十三卷

卷作三十卷

十二曰譜系以紀氏族繼序

世本等四十一部三百六十卷

十三曰畧錄以紀史策條目

七畧等三十部二百一十四卷

景部為子其類一十有四一曰儒家以紀仁義

教化

晏子等三十五部三百三十六卷

作四十四部五百三

十卷

二曰道家以紀清淨無為

鬻子等四十二部三百三十一卷

作七十八部五百二

十五卷

三曰法家以紀刑法典制

申子等四部凡六十卷

作管子等六部七十卷申子三卷載注

四曰名家以紀循名責實

管子等六部七十二卷

作鄧析子等四部七卷按漢藝文志管子

屬道家而隋志入法家此以管子為名家似四庫所改然旧唐志管子在法家則此可疑

五曰墨家以紀強本節用

墨子等三部七十卷 作一十七卷

六曰從橫家以紀辨說譎詐

鬼谷子等二部六卷

七曰雜家以紀兼叙衆說

尉繚子等九十七部二千七百二十卷

八曰農家以紀播植種藝

汜勝之書等五部一十九卷

九曰小說家以紀芻辭輿誦

燕丹子等二十五部一百二 一本二 十二卷 作三

作一百五十五卷

十曰兵法以紀權謀制變

司馬兵法等一百四部四百四十六卷 作一百二

十八部五百一十二卷

十一曰天文以紀星辰象緯

周髀等九十七部六百七十卷 作六百七十五卷

十二曰歷數以紀推步氣朔

十四分曆等一百部二百六十三卷

作一百八部

十三曰五行以紀卜筮占候

風角占等二百七十二部一千二十二卷

十四曰醫方以紀藥餌鍼灸

黃帝素問等五十六部四百一十卷

作二百五十六部

部四千五百一十卷

丁部為集其類有三一曰楚詞以紀騷人怨刺

楚詞等十部二十九卷

二曰別集以紀詞賦雜論

荀況集等四百三十七部四千三百八十一

卷

三曰總集以紀類分文章

文章流別集等一百七部二千二百一十三

卷

作一百四十七部按六典四庫部目卷數皆依隋志今以本志校證之

校書郎正字掌讐校典籍刊正文字

字體有五 一曰古文廢而不用 二曰大篆惟

於石經載之三曰小篆謂印璽旒旛碑碣所

用四曰八分謂石經碑碣所用五曰隸書

恐脫 謂字典籍表奏及公私文疏所用

皆辯其紕繆以正四庫之圖史焉

著作局著作郎二人從五品上

續漢書稱班固傅毅以蘭臺令史陳宗以洛

陽令尹敏以長陵令孟輦

輦當作異通典作冀漢書班固傳作

孟異異為是 以司隸校尉並著作東觀然皆佗官

兼著作之名而未正其官至魏明帝太和中

置著作郎隸中書省晉惠帝元康二年詔曰

著作舊屬中書而秘書既別典文籍今改中

書著作為秘書著作後又別自名省曰著作

省而猶隸秘書晉魏魏著作郎一

人俗謂之大著作專掌史註魏亦或

為兼官晉令著作郎品第六進賢一梁冠絳

朝服而晉書稱陳壽作益都都當著舊傳武

帝善之以為著作即張載作劍閣闕當以銘

世祖以為能除著作即孫楚自著作佐郎轉

著作即此皆謂大著作也又荀勗以中書監

于竇竇當虞預徐廣以散騎常侍孫綽以給

事中伏滔以游擊將軍孫盛以秘書監並兼

領著作又陳郡王隱待詔著作單衣介幘朝

朔望於著作省亦其任也宋齊並同晉氏宋

郡恐群手

書云何承天除著作即撰國史承天已老諸

佐郎並名家年少荀伯子嘲之常呼為姤母

焉焉下恐著作秩六百石品第六陳依梁後

魏正第五品上後魏書崔浩學究精微宋欽

好學不倦並為著作即北齊二人從五品後

周春官府置著作上士二人即其職也隋秘

書省領著作即曹置著作即二人從第五品

上煬帝三年增為正五品其後又降為從第

五品皇朝秘書省領著作局置著作郎二人
龍朔二年改為司文郎中咸亨元年復故
著作佐郎四人從六品上
著作佐郎修國史宋百官春秋云常道鄉公
咸熙百官名有著作佐郎三人晉定員八人
哀帝興寧二年大司馬桓温表省四人孝武
帝寧康元年復置八人晉令著作佐郎品第
六進賢一梁冠絳朝服孝武大元四年詔秘

並字可疑

書監自選著作佐郎令令當並無監使吏部

選有監復舊焉宋齊並同晉制著作佐郎始

到職必撰名臣傳一人宋氏之初國朝始建

末未當有合撰者此制遂替矣梁秩四百石

品第七陳令僕射子起家為之品制同梁後

魏正第七品上北齊正第七品下後周春官

府置著作中士四人即著作佐郎之任也隋

置八人正第七品上煬帝三年著作二人增

品從第六皇朝置四人龍朔二年改為司文
郎咸亨元年復故開元二十六年減置二人
書令史一人
自晉以來秘書著作皆有令史史闕其員品
校書郎二人正九品上
後魏著作省置校書郎史闕其員品北齊著
作省置校書郎二人正九品上隋及皇朝
因之開元二十六年減置一人

正字二人正九品下
隋著作曹置正字二人從九品上皇朝因之
著作郎掌修撰碑誌祝文祭文與佐郎分判局
事
太史局令二人從五品下
左傳云昔小昊氏以鳥紀官鳳鳥氏歷正也
顓頊命南正重司天北正黎司地唐虞之際
羲氏和氏紹重黎之後掌天地四時之官並

太史之任也周官太史掌建邦之六典正歲
年以序事班告朔下邦國左傳曰天子有日
官即太史也漢書百官表太史屬太常茂陵
書稱司馬談為太史令後漢太史令一人秩
六百石掌天時星律祥瑞妖災凡歲將終奏
新年曆而已魏因之晉太史令品第七秩六
百石銅印墨綬進賢一梁冠絳朝服江左高
瑩以侍中陳卓以義熙守吳道欣以殿中侍

熙字誤見補考

御史兼領太史宋齊梁陳並同晉氏後魏北
齊亦然後周春官府置太史中大夫一人掌
曆家之法隋秘書省太史曹置太史令二人
從七品上煬帝三年改太史曹為太史監進
令階為從五品皇朝因之改監為局龍朔二
年改為秘書舊唐志無書字閣局令改為秘
閣郎中咸亨元年復舊舊唐志及通典觀作久視新唐志
宅作光元年為渾天監不隸麟臺其令監署通

典令下脫為一人加至正第五品上因加副

字署當作置監及丞主簿府史等員其年又改為渾儀監

長安二年復為太史局還隸麟臺緣監置官

及府史等並廢其監依舊為令置二人景龍

二年又改太史局為太史監令名不改不隸

秘書按唐志及玉海景雲元年又開元二年

又改令為監三年加從第四品下其一員改

為少監十四年又改為局復為太史令二員

其隸秘書

丞二人從七品下

司馬彪續漢志云太史丞一人秩二百石魏

晉宋齊皆同漢氏梁陳太史丞三品勲位隋志

為蘊後魏北齊史失其品第隋太史丞置二

人正第九品上煬帝三年減一人皇朝不置

丞負觀旧唐志及通典作久元年改為渾儀

監始置丞二人從第七品上長安二年又省

景龍二年復置太史二人書令史四人

太史不隸秘書即為府史開元十四年復為令史也

太史令掌觀察天文替定曆數凡日月星辰之變風雲氣色之異率其屬而占候焉其屬有司曆靈臺郎挈壺正凡玄象器物天文圖書苟非其任不得與焉

觀生不得讀占書所見徵祥災異密封聞奏漏泄有刑

每季錄所見災祥送門下中書省入起居注歲終總錄封送史館每年預造來歲曆頒于天下司曆二人從九品上

漢官儀太史闕後漢志注云漢官儀曰太史

以待詔二字批此闕當填員有理曆六人至晉太史令使使當員有典曆四人宋齊梁陳後魏北齊皆作吏

有典曆並史闕其員品至隋改典曆為司曆
置二人從九品下取左傳司曆為名皇朝為
從九品上

保章正一人從八品上


周礼春官太史属有保章氏掌天星以志星
辰日月之變動辯其吉凶自秦漢以来無其
職至後周春官府置太史其属有保章上士
中士之職即其任也至隋置曆博士一人正

九品上皇朝因之長安四年省曆博士置保
章正以當之掌教曆生
曆生三十六人

隋氏置掌習曆皇朝因之同流外八考入流
裝書曆生五人

皇朝置同曆生
司曆掌國之曆法造曆以頒于四方有戊寅曆

武德初東那那舊唐志道士傳傳當仁均所



造拜太史令

麟德曆

麟德中太史令李淳風所造

神龍曆

舊唐志神作景

神龍中太史令南宮說所造

大衍曆

開元十四年嵩山僧一行奉制旨而考定最為詳密今見行焉

凡天下測影之處今至表準其詳可載故參考星度稽驗晷影各有典常

南至之影京兆長一丈二尺九寸二分蔚州長一丈五尺八寸九分春分中影洛城長五尺二寸五分京兆長五尺三寸四分太原長六尺蔚州長六尺四寸四分半北至之影京兆表北長一尺四寸二分安南則表南三寸開元十二年於京麗正院定表樣并審尺寸

大唐六典 卷之十一
差太史官馳驛分往測候
監候五人從九品下
魏晉太史令吏員有望候郎二十人候部吏
十五人掌候天文並監候之任也隋初置監
候四人從九品下煬帝三年增監候為十人
皇朝因隋置監候五人
天文觀生九十人
隋氏置掌書夜在靈臺伺候天文氣色皇朝

所置從天文生轉補八考入流也

靈臺郎二人正八品下

掌習知天文周文王受命而作邑于豐立靈
臺所以觀祲象察氣之妖祥也詩云經始靈
臺鄭玄曰觀臺而曰靈者言文王化行似神
之精明故以名也春秋傳曰公既視朔遂登
高臺以望而書雲物亦其制也其在周官則
馮相氏世登高臺以掌其事漢則雜候上林

清臺後漢又作靈臺掌候日月

後漢志月
下脫星字

氣而屬太史太史有二丞其一在靈臺漢官

云靈臺員吏十三人靈臺待詔四十六人

後

漢志六魏太史有靈臺闕當連丞主候望須

曆晉宋齊梁陳太史皆有靈臺丞隋太史置

天文博士掌教習天文氣色皇朝因隋置天

文博士二人正八品下長安四年省天文博

士之職置靈臺郎以當之

天文生六十人

隋氏置皇朝因之年深者轉補天文觀生

靈臺郎掌觀天文之變而占候之凡二十八宿

分為十二次寅為析木燕之分

自尾十度至斗十一度

卯為大火宋之分

自氐五度至尾九度

辰為壽星鄭之分

自軫十二度至氐四度

己為鶉尾楚之分

自張十五度至軫十一度

午為鶉火周之分

自柳九度至張十六度

未為鶉首秦之分

自井十六度至柳八度

申為實沈魏之分

自畢十二度至井十五度

酉為大梁晉之分

自胃七度至畢十一度

戌為降婁魯之分

自奎五度至胃六度

亥為娵訾衛之分

自危十六度至奎四度

子為玄枵齊之分

自女八度至危十五度

丑為星紀吳越之分

自斗十二度至女七度

所以辨日月之纏次正星辰之分野凡占天文
變異日月薄蝕五星陵犯有石氏甘氏巫咸三
家中外官占凡瑞星祲星瑞氣祲氣有諸家雜
占凡測候畧度則以游儀為其準

挈壺正二人從八品下

掌知漏刻周禮有夏官挈壺氏秋官司寤氏
春官鷄人氏凡三職咸掌其事自漢以後太
史掌之皇朝長安四年始置

司辰十九人正九品下

掌漏刻事隋置司辰二人從第九品下

隋志
二作

四從煬帝改為司辰師本屬武侯府大業三
年隸於太史局皇朝因之貞觀元年除師字

漏刻典事十六人

皇朝置掌司漏刻之節

漏刻博士六人

旧唐志
六作九

隋置有品秩掌教漏刻生皇朝降為流外也

漏刻生三百六十人

隋置掌習漏刻之節以時唱漏皇朝因之皆

中小男為之轉補為典鐘典鼓

典鐘二百八十人

皇朝置掌擊漏鍾

典鼓一百六十人

皇朝置掌擊漏鼓

挈壺正司辰掌知漏刻孔壺為漏浮箭為刻以
考中星昏明之候焉

箭有四十八晝夜共百刻冬夏之間有長短
冬至日南為發去極一百一十五度晝漏四
十刻夜漏六十刻夏至日北為斂去極六十
七度晝漏六十刻夜漏四十刻春秋二分發

歛中去極九十一度晝夜各五十刻秋分已後減晝益夜九日加一刻春分已後減夜益晝九日減一刻二至前後則加減遲用日多二分之間則加減速用日少凡候夜漏以為更點之節每夜分為五更每更分為五點更以擊鼓為節點以擊鐘為節

大唐六典秘書省卷第十

補考

黃初中分秘書立中書 晉志文帝黃初初改為中書置監令秘書改令

○品服同晉氏梁增品第五 宋志秘書丞銅印黃綬朝服進

後魏亦置四人正第七品 銅印環鈕黃綬

後魏正第五 後魏志秘書郎從第五品上

後魏正第七品 後魏志初正第五品上

義熙守 按晉宋地理志郡名無義

置太史令二人從七品上 隋志從七品下

熙有義興 熙疑興字

